


# EMPA HO TLOHA TŠIMOLOHONG

## HO NO HO SE JOALO

 Lumelang mantsiboea ana, metsoalle. Ke thabetse ho khutlela tšebeletsong ea Morena Molimo bosiu bona. 'Me ke tšepile mahlohonolo a Hae litšebeletsong bosiu bona.

<sup>2</sup> Ke thabetse ho bona, bosiu bona, Moena Robert Daugherty morao ka phaposing mono. Ke . . . E ne e le Moena Daugherty ea tšehelitseng letšolo la ka la pele. 'Me ke sa hopola ke ea ho eena. Batho ba sa ntse ba lutse mona ba nthusitse ho fihla mono. 'Me Moena Creech mona, kea kholoa, ke e mong oa bona. Lipono li ne li sa tsoa qala ho hlaha, 'me Lengeloi la Morena le sa tsoa kopana le 'na holimo mona Green's Mill, le mpoleletse se neng se tla etsahala. 'Me ho ne ho eso fete liveke tse peli pele a mpitsa ho tla St. Louis. Ngoanana oa hae o ne a e-na le mofuta o itseng oa . . . joalo ka motjeko oa Saint Vitus.

<sup>3</sup> 'Me ra ea teng ra rapela, ra etsa likano tsa mefuta eohle, 'me ha bonahala ho se letho feela le ka hlahang. Ke ne ke tla lula feela (Hobane, ke ne ke sa tšoara matšolo pele ho moo.) ho fihlela e fela feela, ho fihlela ke fumane seo Morena a tla se etsa.

<sup>4</sup> U a tseba, Moena Robert, ke lumela ho ka be ho bile molemo hola ka e boloka joalo. Ehlile, mohlomong ho ka be ho sa bolokeha ba bangata hakaalo. Empa, ho lula tabeng e le 'ngoe feela ho fihlela e fetile, ho fihlela u tseba.

<sup>5</sup> 'Me letsatsi le hlahlamang, kea kholoa, e batla e le hora ea bobeli kapa ea borarō thapama, kapa lona letsatsi leo, ha ke hopole joale. 'Me ke ne ke lutse ka koloing, kantle ho ntlu ea boruti. 'Me ntatae a le teng mono. 'Me ke le mong. Ka utloa Moea oa Morena o fihla, 'me ka tsoa ka tlung ea boruti 'me ka lula kantle mono. 'Me mothoana Betty e batla a le motho ea hlaha, a hooeletsa feela. 'Me lingaka li sa khone ho mo etsesa letho. 'Me 'mè le nlate, bobeli ba bona, ba ne ba shebahala hampe haholo. Ba ne ba lutse, matsatsi le liveke, le eena. 'Me pono ea hlaha, ka pel'a koloi feela, ka pel'a koloi. 'Me ka bona pono, 'me ka matha ka kena ka bolella Moena Robert le bao seo ba lokelang ho se etsa. Ngoanana o ne a tla fola.

<sup>6</sup> Kea kholoa u itse o tla fihla mona hosane bosiu, ha ke re, Moena Robert, ho paka? Ka hona joale haeba . . . Mono e batla e le lilemo tse leshome le metso e mene tse fetileng, kea kholoa, tse leshome le metso e 'meli, lilemo tse leshome le metso e mene tse fetileng. [Moena Robert Daugherty o re, "Ke leshome le metso e meraro, kea kholoa."—Mohl.] Lilemo tse leshome le metso e meraro tse fetileng. 'Me ke mosali e mocha ea phetseng hantle, ea

shebahalang hantle. O tla fihla mona hosane bosiu, ha Morena a ratile.

<sup>7</sup> Pholiso ea Khalalelo e tiisetša ha feela tumelo e tiisetša, ke hantle, ha feela tumelo e tiisetša.

<sup>8</sup> 'Me kea lumela ke bona Moena Fred Sothmann, le metsoalle ea ka e tsoang Canada e lutse morao mona, hape. Ke thabo ho le bona bohle ka hare bosiu bona. Le metsoalle e meng e mengata mona. Eka nka be ke ena le nako ea ho lumelisa e mong le e mong oa lona. Kea kholoa nke ke ka khona, ho tsoa mona hantle, empa ke batla le tsebe hobane re hlile rea le amohela. Moena Boyd mona, kea kholoa ke a mo hopola. Le moena oa Mennonite. Ka hona re thabetse ho ba le lona mona nakong e nyenyane ena ea kopano ho pota Lentsoe. 'Me joale, hosane . . .

<sup>9</sup> Re batla ho tsebisa sena, hape, hore, libuka tsa morao-rao. Joale ha re mona . . .

<sup>10</sup> Ha ke hopole moena enoa ea lutseng, moena oa Mennonite ea haufi le eena. Ha ke khone . . . [Moena o re, "Harson."—Mohl.] Harson. Ee.

<sup>11</sup> E—e libuka li ka morao, tafoleng morao mane. Ke melaetsa ea morao-rao. Ha ba eso kenele matšolo le joale. Ba morao mono ka liteipi, melaetsa ea morao-rao le lintho tse joalo. 'Me bashanyana ba li hatisitse, 'me li teng ka morao ho moaho ha le tsoa bosiu bona. 'Me ke nahana e . . .

<sup>12</sup> Hoseng, ke nahana lipuisano li qala ka bo robeli kapa mashome a mararō ka morao ho robeli, hoseng. 'Me, khili! Ke 'moleletse ho kenela lipuisano tsa bao ba batlileng ho mpona sephiring ka litaba tsa moea. Khele, ha kea elelloa hore tabernakele e nyenyane mona e tla . . . e tla ba joalo. Empa ruri e hatellane. Khele! Ka hona, be, ho hotle. Ka linako tse ling Morena o fumana mahlohonolo ho seo re lekang ho se etsa, ho etsa ho hong ho thusa baena le likhaitseli tseleng.

<sup>13</sup> Joale re ntse re leka, bosiu ka bong, ho fumana seo ke se batlang. 'Me ke hore, ke hore, Molimo ka pono o mpoleletse hore bobebeletsi ba ka bo etsa phetoho ea bona ea boraro. 'Me ke e labalabela ho qala mona tabernakeleng. Ha ke tsebe haeba e tla khona kapa che, empa ke labalabela ho etsa hoo. 'Me ke tšepa e tla ba mokhoa o itseng o tla . . . Ke tla khona ho rera Evangeli ka mokhoa o tjena, kapa ho etsa ntho e tlang ho thusa morabe oa batho ba sotlehang ho isa bophelong bo thabileng ho feta, le bophelo bo koenneng ho feta. Ke takatso ea ka e tšepelang. Ka baka leo mohlomong bosiu bona . . .

<sup>14</sup> Ke botsitse ngoetsi ea ka ka litlankana tsa thapelo, 'me ha a na tsona mono. 'Me ka tloaelo Billy o a li boloka. 'Me Gene le Leo ha ba na tsona. Ka hona re tla tlameha ho sebelisa litšebeletso kantle ho eona, kea kholoa, ka bokhoni ba rōna bo khabane, ha re ka etsa joalo bosiu bona. Re tla bona kamoo e hlahang kateng.

15 Ka morao ho likopano tsena, likōpano tsa ka tse latelang ke ho ba New Zealand, le hape ho ea Australia, le ho theosa le likarolo tseo tsa naha.

16 Bosiung bona, ke khethile ho bala Mangolo a 'maloa Bukeng ea Santa Mareka, khaolo ea 7, ha le lakatsa ho phetla ho eona, bakeng sa ho nahanisisa ka Molaetsa.

17 'Me pele re etsa hoo, ha re inamiseng lihlooho tsa rōna nakoana feela re buisane le Eèna.

18 Morena, re motlotlo ho Uena, bosiuung bona, ka monyetla oa ho kopana 'moho, hang hape. U bile molemo ho rona ho fihlela letsatsing lena. U re neile bophelo le matla re fue monyetla oa ho khutlela tšebeletsong ea Hau le ho rapela Uena.

19 'Me re motlotlo ka naha ea rōna, hore monyetla o sa le teng le monyako o butsoeng, banna le basali ba tle ba rapele Molimo ho latela litaelo tsa letsoalo la bona. E ke e hlole halelele, Morena. Empa rea bona, ho latela boporofeta ba Bibe, kapele menyako ena e tla koaloa, lefatše ka bophara. Ka baka leo rona, bosiuung bona, re amohele ho loka ha Molimo le mahlohonolo, le Leseli lohle leo re ka le khonang, holim'a Mangolo, Morena, re tle re itokisetse hora eo mohla e fihlang, hore Moea o Halalelang o bolokiloeng meeng ea rona, O tla khona ho phuthulla lintho tsena likelellong tsa rona.

20 Haholo re tla kopela, bosiuung bona, hape, Morena, ba kulang, ba hlokanang, le ba mahlomoleng. Matla a Hau a maholo a folisang le mohau li lule holima e mong le e mong oa bona. Hlohonolofatsa Lentsoe la Hau le tsoileng, Morena, 'me re tla U rorisa. Ka Lebitso la Jesu, rea e kopela. Amen.

21 Ho Santa Mareka, khaolo ea 7, re bala litemana tse 'maloa tjena.

*Bafarisi le bang ba bangoli, ba tsoang Jerusalema, ba phutheha ho eena.*

*Eitse ha ba bona barutuo ba hae ba bang ba eja bohobe ka matsoho a litsila, ke ho re, a sa hlatsoang, ba fumana phoso.*

*Hobane Bafarisi, le Bajuda bohle, ha ba sa hlatsoe matsoho khafetsa, ba sa je—ba sa je, ba bolokile moetlo oa bona oa baholo.*

*Hape le ha ba tsoile moo ho rekeloang teng, ha ba je, ba sa ka ba tola pele. Le tse ling tse ngata li teng, tseo ba li amohetseng, ba li tšoereng, joalo ka . . . ho hlatsoa mehope, le lipitsa, le liluoane, le lijana, le litafole.*

*Bafarisi le bangoli ba re ho eena, Hobaneng barutuo ba hau ba sa tsamaee ka meetlo ea baholo, empa ba ja bohobe ka matsoho a sa hlatsuoang?*

*A araba a re ho bona, Esaia o porofetile hantle ka lona baikaketsi, kamoo ho ngoliloeng kateng, Sechaba sena se ntlotla ka melomo ea sona, empa lipelo tsa sona li hole le 'na.*

*Empa ba ntšebeletsa lefeela, ha ba ruta thuto eo e leng melao ea batho.*

*Hobane ha le beella melao ea Molimo kathoko, le tiisetša meetlo ea batho, joaloka hlatsuo ea lipitsa le ea linkho: le lintho tse ling tse ngata tse kang tseo u li etsang.*

*'Me a re ho bona, Ka botlalo...le latola melao ea Molimo, le tle le boloke meetlo ea lona.*

22 'Me Bukeng ea Santa Mattheu, khaolong ea 19 le temana ea 8, le mokhahlelo oa ho qetela oa temana eo ea 8, ke lakatsa ho bala bakeng sa mohlolithero. 'Me e baleha tjena:

*...empa ho tloha tšimolohong ho no ho se joalo.*

'Me Morena a hlohonolofatse palo joale ea Mantsoe a Hae.

23 Mohla Morena oa rōna a ne a le lefatšeng mona, O kopane, matsatsing a bosebeletsi ba Hae, le batho ba neng ba bolokile moetlo oa bona oa batho, le ho ruta lintho tse khahlano le melao ea Molimo.

24 Kea ipotsa, bosiuang bona, haeba A ka khutla hape bosiuang bona, ka ho bonahala, haeba A ke ke a fumana maemo a tšoanang. Kamoo ba bolokileng meetlo eo ka khalalelo, hoba ba amohele melao ea Morena, feela hore ba etse eng! Batho ba ke ke ba khotsofala ke seo Molimo o se laelang ho etsoa; ba tlameha ho iketsetša nthoana ka eona.

25 'Me ha motho a tšoara ntho efe kapa efe, o khopamisa morero oa sehlooho. 'Me ho etsa ntho efe feela e khopamisitsoeng e fapane le ea mantlha.

26 Joaloka, bokhopo, bokhopo ha se letho haese ho loka ho khopamisitsoeng, seo kelello e khopameng ea motho e se fetolang.

27 Molimo o entse motho ho phela le e mong ka thabo. Khopamiso e a ba fetola 'me e ba etsa lira e mong ho e mong. Motho o re etsa lira tsa e mong, athe Molimo o re entse baena e mong nqa e mong.

28 Motho o entse hore batho ba be mekhoa e mebe. Molimo o entse hore monna a phele ka botšepahi ho mosali oa hae. Empa motho o a fihla 'me o a e khopamisa, 'me ha a khotsofale ke mosali oa hae, empa o batla ho phela le basali ba bang bohle.

29 Molimo o re file metsi a molemo, a hloekileng hore re a noe. Motho o tlameha ho tsoaka tahi kapa ho hong, le 'ona, pele a noa. Ke ho khopamisa, ho tloha tšimolohong ea eona ea 'nete.

30 'Me ka ho etsa joalo, re fumana kahara kereke, lintho tsena li hlahile, hobane, motho o qala a hlophana le lintho tsa Molimo, 'me o hula mohopolo oa hae oa seo Le se bolelang. Ha a Le nke kamoo Le ngotsoeng, empa o tsoaka mohopolo oa hae ho Lona. 'Me hape, ka seo, o bopa moetlo, 'me o ruta seo. 'Me Jesu o boletse, mohla A ne a le lefatšeng 'me a fumana tse joalo, O itse, "Le Ntšebeletsa lefeela." Joale mono, joale, ho na le monyetla, 'me ho joalo, hore ho ka ba le borapeli ba 'nete ba Molimo, bo fosahetseng. "Ba Ntšebeletsa lefeela, ha ba ruta thuto eo e leng melao ea batho."

31 Joale palong ea rona ea Lengolo bosiuung bona, ha u ka bala oa tsoela pele, u tla fumana moo Molimo a itseng, "Hlompha ntatao le 'mao; 'me ekare ha motho a hlompholla ntatae kapa 'mae, a shoe lefu." Empa O itse, "Meetlong ea lōna, le fetotse melao ea Molimo ntho e se nang matla, le ho re, 'Haeba ho le joalo, motho ha a tlotlolla ntatae kapa 'mae, ke neo, 'me o tla lokoloha feela."

32 Na le bona kamoo batho ba sothang lintho kateng? Empa ba rata ho rapela, 'me ba hopola ba rapela hantle, athe ba rapela hampe. 'Me ke tiile, hoba Krete a falle, lilemo tse likete tse peli, phoso e hlahile kae-kae, hobane re fumana mehopollo e mengata haholo.

33 'Me, bosiuung bona, ho batla ho le likereke tse makholo a robong tse fapaneng lefatšeng, tseo ke mekhatlo ea malumeli a Bokreste, mehopollo e fapaneng. 'Me e mong le e mong o tiisetse moetlo oa hae. Oh, ba rata hakakang ho rialo, "Moetlo oa ka o lokile." 'Me hape ha . . . Kereke e 'ngoe e tla e hlalosa ka tsela e tjena, le ho re, be, ho e phethahatsa feela, hore kereke eo e nepile. 'Me re haotse ho eona masiuung a 'maloa a fetileng mona, lebaka leo re seng mokhatlo oa bolumeli. 'Me ha mokhatlo oa bolumeli o qala, o qala holim'a motheo oa motho ea fumanang tšenolo ea ho hong, e ka ba molemo ka botlalo, empa o etsa phutheho ea bolumeli ka eona 'me ebe ha a khone ho tsoela pele.

34 Empa Molimo o batla re lule re lokolohile. O batla hore re fihle sebakeng seo haeba A ka re fa Leseli le itseng, re ka amohela Hoo, ra fumana Leseli le lengata, le Leseli le lengata, ra 'na ra tsoelapele feela. Ke ka hona re ratang ho lula re lokolohile, re tle re rere Bible feela, tsela eo E ngotsoeng ka eona, le ho E lumela ka tsela eo.

35 'Me, kajeno, re kene meetlong. Joale, therōng ea rōna rea fumana, bosiuung bona, ba itse, "Na ke molao ho rōna ho lahla mosali oa rōna ka lebaka lefe?" Be, ho batla ho le joalo kajeno. Haeba ba sa batle ho phela le mosali oa bona feela, kapa monna, ba fumana lebaka le itseng ba mo lahla. Moreri e mong o a fihla, kapa ramolao, o ba nyalisa e mong. Ua bona, ke moetlo.

"Be," ba re, "kereke ea rōna e e lumela ka tsela ena."

36 Be, ha e etse phapang e kaalo ho seo kereke ea rōna e se buang. Ke seo Bibeletse e se buang ka eona, se etsang phapang. Molimo eka khona e be Lentsoe la ho qetela qetong ka 'ngoe eo re e etsang.

37 Matsatsi a 'maloa a fetileng, ke ile ka qosoa lekhotleng, kapa ke tla etsoa joalo. 'Me ba ne ba mpotsa lipotso tse thata haholo. 'Me ba itse, "Hobaneng u fetisitse chelete ea matšolo kerekeng ea hau, joaloka motheo?"

38 "Be," ka re, "ke boleletsoe ke mobokelli oa Lekhetho oa Selehae hore ke tlameha ho e sebetsa joalo, hobane e ne e le motheo." 'Me ea 'na ea tsoelapele. 'Me a re, "Monna enoa ha a u bolella 'nete."

39 Ka re, "Be, o ne a emetse 'muso. Ha nka romela manejara oa letšolo motseng ho nkemela, masiu a mahlano mono letšolong, 'me a nkeme sebaka masiu a robeli, ke tlamehile masiu a robeli, hobane lenqosa le itse masiu a robeli. 'Me 'muso o tlameha ho tiisetša ho seo baemeli ba 'ona ba se buang."

40 Eaba o re, "Be, e. . . monna eo ha a sa le 'musong."

41 Ka re, "'Me tsatsi le leng u ke ke ua hlola u eba 'musong. 'Me ba ngotseng molaotsoe ha ba sa le eo ho bona. Ke a ipotsa haeba e sa ntse e tiiselitse." Ua bona, ba leka ho fumana sekheo, empa sebakeng sa ho tšepahala feela le ho khomarela molao.

42 Batho ba eba joalo kajeno mekhoaeng eohle ea bophelo. Likereke li eba joalo; kereke ena, likereke tse ling. Ho ena le ho tsoa le ho tobana le linnete tsa seo Molimo a se buileng, re leka ho fumana sekheo ho itokafatsa. 'Me ha e khahle Molimo. 'Me motho o qalile hoo, 'me re ipotsa seo e leng 'nete ke hona.

43 Ke ile ka phephetsa, matsatsi a 'maloa a fetileng, monna ea na eme 'me a thotokisa Tumelo ea Baapostola, eo ho thoeng ke eona. "Ke lumela ho Molimo o Matlaohle, Molimo Ntate, le 'Mopi oa maholimo le lefatše," le joalo-joalo, "'me ke lumela kopanong ea bahalaleli."

44 Joale, motho a ke ke a bua ka toka, ho tsoa pelōng ea hae, a thotokisa tumeloana eo 'me a lōka nqa Molimo, 'me a tseba Bibeletse. Ntho efe e buisanang le bahalaleli ke boloi, ntho efe e buisanang le bafu.

45 'Me monna enoa a retoloha a re, "Be, u buisana le eng?"

Ka re, "Jesu Krete."

A re, "Be, O shoele."

46 "Empa," ka re, "O tsohile hape. 'Me ha A shoa, empa O a phela. Empa Maria, le baapostola ba bang bohle, le batho bohle bao u ipoletseng u qoqa le bona, ba shoele 'me ba iketse. 'Me Bibeletse e re, 'Ha ho moemeli lipakeng tsa Molimo le motho, haese Monna Krete Jesu.' Ka baka leo, ka moetlo oa motho, le fetotse melao ea Molimo ntho e se nang matla."

47 'Me re leka ho khahlisa Molimo ka ho haha kereke e kholohali, ka ho ala mesangoana litulong, le ka ho e ntlafatsa. Hoo ho itoketse. Ha ho khanyetsano mono, empa ha se seo Molimo a itseng se etsoe.

48 Re leka ho ntlafatsa kereke ea rōna ho feta kereke e 'ngoe, ka ho fumana molisa ea rutehileng ho feta eo re ka mo fumanang sefaleng sa rona, ea ka buang mantsoe a hae ka puo e khabane hakana. Hoo ho itoketse, empa le joale ha se seo Molimo a se buileng. 'Me boholo ba likereke, haeba. . . Likereke tsa rōna kajeno, haeba monna a se na boiphihlelo ba seminari, phutheho e ke ke ea mo kenya ka hare ho hang. O loketse ho ba le thuto ea seminare. Empa hase seo Bibe le e se buileng. Hase seo Jesu a se entseng.

49 Jesu o nkile banna ba sa tsebeng li-ABC tsa bona, 'me a ba tlotsa ka Moea o Halalelang. Tlhoko ea Molimo e ne e se ho amohela thuto, empa ho amohela Moea o Halalelang. Ha ho motho ea lokelang ho bolela Evangeli pele a amohela Moea o Halalelang. Na le bona kamoo re nkileng melao ea motho? ra e khopamisana. Jesu oa Nazaretha, pele A lumella barutuo a ho ea rera, ho Luka 24:49, O itse, "Bonang, Ke le romella pallo ea Ntate oa Ka. Empa le eme, le eme motsotso feela, pele le tloha. Le se ke la qhoma ha Ke e bua. Empa," A re, "le eme motseng oa Jerusalema le tle le be le tlatsoe ka matla a tsoang Holimo. Ke moo le tla ba lipaki tsa Ka, Jerusalema 'moho, le Judea, le Samaria, le ho isa lipheletsong tsa lefatše."

50 Empa, kajeno, re fetotse hoo. 'Me re e entse hore re tšoanela ho ea sekolong, le ho batla grama e itseng le saekholoji, le mekhoe e itseng eo re itšoarang ka eona e—e sefaleng, le meetlo e mengata e fapaneng. 'Me re ke ke ra ba le kelello e patisaneng. 'Me u ntano fumana thuto ea kereke, ho ithuta katekisima, seo katekisima e se buang.

51 Ha u a bolokeha ka ho tseba katekisima. Ha u a bolokeha ka ho ingolisa kerekeng. Ha u bolokehe ka ho tseba Bibe le. U bolokehile ka ho tseba Eèna, Krete. "Hoba ho Mo tseba ke Bophelo."

52 Ka baka leo, re nka meetlo ea batho, 'me re fetola melao ea Molimo ntho e se nang matla. Liseminari tsa rōna li etsa hoo. Likereke tsa rōna li hloka hoo. Likereke tsa rōna li ke ke tsa e hloka haese ha batho ba e hloka. Batho ba tlameha ho e lumela, ho seng joalo ba ka suthela hole feela le eona, le ho rapela Molimo ho ba hlahisetsa motho e mong. Ba e etsa. Batho ba e etsa. Ha ba u qophelle ho etsa hoo.

53 'Me matsatsing ao, Bafarisi le Basadusi le barapeli ba letsatsi leo, ba lumetse kereke ho ba fa poloko. Sohle seo kereke e se buang, se tlamehile ho ba joalo hantle, hoba kereke e itsalo.

54 Be, ho a tšoana le kajeno. Batho ba shebile kereke ho ba fa pholoso. Ha u fumane pholoso ka kereke. U fumana pholoso

ka Kreste, e seng ka ho tseba tsamaiso e itseng ea kereke, kapa tumeloana e itseng, kapa sebopeho se itseng sa kolobetso, kapa—kapa liketso tse itseng kapa maikutlo, ao u fetang ho ona. U a tseba 'me u pholosoa ke Kreste, 'me ke ka mohau. U bolokehile ka tumelo, ka pitso ea Moea o Halalelang. U Mo tseba joalo.

<sup>55</sup> Empa ba ne ba e tsoere matsatsing ao, 'me ba tla e fumana hakakang kajeno! 'Me eaba batho ba qala ba ipotsa, hoba ho ka nka lihora ho haola le sena, "Hobaneng re le maemong ao re leng ho ona?" Ke eo moo.

<sup>56</sup> Haeba rakonteraka a etselitse banna ba hae polane ho haha ntlu, ka mokhoa o *itseng-le-o-itseng*, 'me monna e mong le e mong a nyemotsa polane, 'me ba hahile ntlu kamoo ba hopotseng motho e mong le e mong a tlameha ho e haha, e ka ba ntlu e shebahalang joang? Na u nahana hore e ka amoheloa? Joale, haeba ho le joalo, monna e mong o ne a ka batla hore e hahoe ka tsela *ena*, le e mong ka tsela *ena*, 'me monna e mong le e mong o ne a tla tloha a hahe ho ea ka mohopolo oa hae. Mokhoa o le mong feela oo u ka hahang ntlu hantle, ke ho latela polane.

<sup>57</sup> 'Me mokhoa o le mong oo re ka khutlelang ho Molimo le ho kenya Molimo har'a rōna, ke ho khutlela motheong oa Bibe. E tlamehile joalo feela. Jesu o buile ka eona mohla A leng lefatšeng mona, le ho re, "Hobaneng le hlokomoloha kapa le tlolisa melao ea Molimo mahlo, 'me le e fetola ntho e se nang matla ka meetlo ea lona?" Empa ba e entse. 'Me ba ntse ba etsa joalo hakaakang kajeno!

<sup>58</sup> Ka lona lebaka leo mohiri oa ntlu a hanneng ho kena. Haeba a boletse mofuta oa ntlu eo a ratang ho aha ho eona, a behile melao le litekanetso tseo, le ho hahuoa ka mokhoa oo, be, o ba nehela tsona, sehahi se li nehela rakonteraka. 'Me rakonteraka o li alla liforomane, le joalo-joalo. 'Me haeba a khutlela tlung ena, ho kena ho eona, 'me e hahilo e motopo, le kahohle ho latela maikutlo a motho e mong le e mong, a ka hana ho kena.

<sup>59</sup> 'Me ha Moea o Halalelang o kena tlung ea Molimo, O ke ke oa kena haeba e hahuoe ka mohopolo o entsoeng ke motho. E tlameha ho tla Bibeleng. 'Me *Ona* e tlameha e be Moral. Hoba ho ngoliloe, "Lentsoe la motho e be leshano, 'me la Ka e be 'Nete." Bohle re batla ho nahana hore re tsoere 'Nete eo.

<sup>60</sup> Empa u bala Mangolo joang, ka boithalasetso ba motho? Lengolo le bolela, ho re, "Ha ho Lengolo le tlileng ka ho itlhalosetsa ha motho." Le abjoa ke Toloko e le 'ngoe, ke Moea o Halalelang O Le ngotseng.

<sup>61</sup> E nkhopotsa pale eo ke sa tsoa e bala thapama ena. E ne e le bophelo bo qalang ba Morena oa rōna, mohla A neng a tsoalloa Bethlehema 'me a holetse mono Judea. 'Me lilemong tse leshome le metso e 'meli, ho ne ho le e—e meetlo e itseng eo batho ba neng ba e boloka, e le mokete. Kea kholoa Mokete oa Paseka. 'Me batho ba Habo, Maria, 'mè oa Hae, le Josefa ntata'e ea Mo



holisitseng, bohle ba nyolohela Jerusalema ho phethisa moetlo o itseng ona, ka molao kamoo ba khonneng. 'Me eare ba sa le holimo mono, ba tsoakana, ba qoqa le ba habo bona le ba joalo. 'Me eitseha ba tloha, ba tsamaea leeto la letsatsi, eaba ba qala ba batlana le Jesu. 'Me ba Mo batlile hara balekane ba bona le metsoalle, 'me ha ba Mo fumana.

<sup>62</sup> Kea ipotsa haeba kereke e batla e se joalo joale. Ha ba fihla moo ba hlokomelang hoba O ne a le sieo ho bona. Ke a ipotsa haeba ho na le Methodise, le Baptise, le Mapentekosta, le eng hape mona bosiueng bona, tse esong ho fihle seabakeng seo, moo le elleloang hoba ha A na le lona. Ho sa tsotelehe seo u se entseng. Mohlomong o fetile litseleng tse itseng le linthong tse itseng, empa koana u a tseba, tlase pelōng ea hau, ha A eo mono. Ke a ipotsa haeba ho se moetsalibe, kapa mongala ka mohahong bosiueng bona, ea elleloang hore ha A na le uena, bosiueng bona.

<sup>63</sup> Joale, ka kopo le se etsise Maria. 'Me lona batho ba rapelang Maria, le reng ka taba eo? A qala a Mo batla. 'Me a ea ho ba habo le balekane ba hae, a hopotse a tla Mo fumana mono.

<sup>64</sup> 'Me le kajeno ba etsa joalo. Ba ea kerekeng, ho nahana hore mohlomong ba ka Mo fumana mono. E mong o mathela kerekeng ea Methodise, 'me ba tla fumana seo ba se lumelang. 'Me ba mathela kerekeng ea Baptise, le kerekeng e 'ngoe le ho e 'ngoe, ba batla hara likereke. 'Me ha e kopanngoa eohle, ba fumana sehlophahali sa litumeloana, 'me Kreste ha a eo mono.

<sup>65</sup> E mong oa banna ba baholo masimong a thutabomolimo, eo ke mo tsebang, o ne a le lapeng la ka haufinyane. 'Me a ema ka phaposing. 'Me ka nahana, "Monna e moholo ea kang enoa a ka etsa'ng, ho tla mpona le ho nketela?"

<sup>66</sup> A re, "Ke batla ho bua mantsoe a 'maloa feela, Moena Branham, ho uena."

<sup>67</sup> Ka re, "Ho lokile, na u ka lula fatše?" 'Me a etsa joalo. 'Me ka re, "Ke ikutloa ke nyenyefetse haholo, ho bua le monna oa maemo a hau." 'Me e ne e le Mopresidente oa Sudan Missions e mehola, ke motheo o moholohali lefatšeng oa mishone. 'Me a e na le motsoalle, e le motsoalle oa sebele oa Hyman Appleman. E ne e le Mongh. Reidhead, ke eèna, Ngk. Reidhead.

<sup>68</sup> 'Me a re, "Moena Branham, mehleng ke sa le moshanyana," ho re, "ke ne ke le ka ntle tšimong tsatsi le leng, ke shebile maru ha a feta. 'Me ka re, 'Oh, na Molimo o teng nqa e 'ngoe ka holim'a hoo?" Ho re, "Ka mathela ka hare ho 'mè oa ka. 'Me eèna, e leng 'mè ea lokileng oa Mokreste, a nkuka liphakeng tsa hae a nthata, a qala a mpoella ka Jesu. 'Me e ne e le Èèna ea mpitsang." Le ho re, "Èèna, ka ho tšepahala kerekeng ea hae, o nqalile lilemong tse supileng, ho ithuta ka Jesu." "Be," ho re, "ka ntho eo pelōng ea ka, ke kene sekolo ka seng seo ke se tsebileng." Le ho re, "Qetellong ka fumana Bachulara ea Art. Ka nahana, mohla ke ne ke amohela ligarata tsa ka, ruri Kreste o tla be a eme hantle

mono.” Le ho re, “Mohla ke ne ke apesoa Bachulara ea Art,” a re, “Ke ne ke sa . . . ’Me ho se letho le fapaneng.” A re, “Mohla ke ne ke apesoa ligarata tsa ka tsa Bongaka, ka hopola A tla ba teng mono.” Le ho re, “Ho ne ho sa fapana. Sehlopha sa banna se tlile sa bua lintho tse ’maloa, sa mpha ligarata.” ’Me a re, “Moena Branham, ke na le ligarata tse lekaneng ho lila lebota la hau. Empa Krete o kae?” Ke eona. O re, “Na esale baruti ba fositse?”

<sup>69</sup> Ke itse, “Moena Reidhead, nke ke ka batla ho bolela *seo*: ‘Baruti esale ba fositse.’ Hobane ha ke boemong ba ho bua *seo*. Empa e re ke bue *sena*: Krete ha a tle ka Bachulara ea Art kapa Ngaka ea Khalalelo. Empa O tla ka nchafatso ea moea oa hau, ka Moea o Halalelang o tsoang Leholimōng.”

A re, “U nahana e ka ba o etselitsoe ’na?”

Ka re, “Ho latela Biblele ena ea khale e bokoang, ke oa ‘mang le mang ea batlang, a tle.”

A re, “Ke rutiloe hore e ne e etselitsoe letsatsi le fetileng.”

Ka re, “Joale ka hona, moruti ea u rutileng hono, o ne a fositse.”

Ho re, “U tseba joang hore ba ne ba fositse?”

<sup>70</sup> Ka re, “Ke O amohetse. ’Me Biblele e O tšepisitse. Ke tla . . . Mona ke hona moo A E tšepisitseng. Joale mpoelleng le mpontše moo A kileng a khutlisa tšepiso eo. O file Kereke matla a ho e etsa. Joale ebe O e khutlisitse kae? Ha Kereke e u bolella hore lintho tseo li fetile, ba ruta thuto eo e leng melao ea batho, e seng ea Molimo. Ba nka melao ea Molimo ’me ba e fetola ntho e se nang matla, ka moetlo oa bona.” Ke hantle.

<sup>71</sup> U ke ke ua Mo fumana har’a balekane ba hau. U ke ke ua Mo fumana ha u tloha u re, “Ke tla ba Methodise, nakoana, ’me ke bone se etsahalang. Ke tla ba Mobaptise, nakoana, ’me ke bone se etsahalang.” U ke ke ua Mo fumana mono, kapa kerekeng efe ea bolumeli. Empa kereke efe eo u lakatsang ho kena ho eona, e seng mokhatlo oa bolumeli, empa kena setsoalleng, e seng sa kereke ka botlalo, empa kopano ea Moea o Halalelang. Ke moo u Mo fumaneng. Ho tla ba le tumelo e tsitsitseng.

<sup>72</sup> Haeba u le Methodise, Baptise, Katolike, Presbeteriene, u ka bang eng, haeba u fumana Jesu e le Mopholosi oa hau ka sebele, e seng ka ho tsukutla matsoho le moreri, kapa lithuto tsa tumeloana, empa ka ho fumana Morena Jesu. ’Me likereke kajeno, li etsa litumeloana tsa tsona joalo, li khothotsa Molimo. Ba nka lithuto tsa bona, ’me ba fetola melao ea Molimo ntho e se nang matla. Ha E sebetse bathong. Hobaneng? Hobane thutamolimo ea rōna e entsoeng ke motho, lithuto tsa rōna le litumeloana tsa rōna, li thibetse mahlohonolo bathong, ’me ha ba na monyetla oa ho E amohela. Ha ba tsebe letho ka Eona. Ba mpa ba itseba e le litho tsa kereke. ’Me ke ka hona re se nang kopano, likereke, e ’ngoe nqa e ’ngoe. Lebaka leo ba tsoarang

tsoseletso 'me likereke tse ling li sa sebetse le bona, bolumeli bo itseng, hobane ba re, "Ha se tumelo ea ka."

73 Ho na le Tumelo e le 'ngoe feela. Bible e itsalo. E seng tumelo ho tumeloana; e seng tumelo bolumeling. Empa tumelo ho Molimo. Ke eona feela tumelo e leng teng. "Tumelo e 'ngoe, Morena o mong, le kolobetso e 'ngoe." Lengolo le rialo.

74 'Me joale, hoba ba tsamaee, leeto la letsatsi lohle, ba ntse ba tsoma har'a ba habo bona, 'me ha ba Mo fumana.

75 Kea ipotsa, bosiueng bona, ke batho ba bakae ka mona ba kileng ba etela kereke ea Baptise 'me ra imatahanya le Baptise. Joale, ha ho letho. . .

76 Ha ke rahake likereke. Ke emela e 'ngoe le e 'ngoe ea tsona. Empa, seo ke se emelang, ke. . . khahlano, ke hore, ba bopa litumeloana tsa bona, le ho rala meeli le mela. Hola kereke e 'ngoe le e 'ngoe ea tiisetša Bible ka kotloloho, 'me ea E bala ka tsela eo feela, 'me e sa hlophane le Eona, ho E tlohela kamoo Molimo a E ngotseng, empa ba tsamaea nakoana, ho re, "Oh, e ne e baletsoe mongoa o mong." Ha se mongoa o mong. Molimo ke oa maobane, kajeno le kamehla.

77 Joale, u tla tsamaea leeto la letsatsi, 'me u tla qamaka 'me u bone tumeloana e itseng, 'me u ntano nahana, "Be, mohlomong ke eona ena." 'Me u tla kena 'me u qamake. Motho o teng ka mono ea tla etsa ho hong. U tla re, "Ha se eona."

78 U tla fumana lengolo la hau ho tsoa kerekeng eo 'me u le ise ho e 'ngoe. 'Me u tla lula mono matsatsi a 'maloa, kapa liveke, kapa likhoeli, kapa esita le lilemo. Motho e mong o tla ferekanya meralo e raliloeng, 'me o tlohe ka lengolo la hau, ho ea sebakeng se seng; le ho tloha mono, ho ea nqa e 'ngoe. Ha u a tsitsa le ka mohla. Bible e itse, "Le joaloka linaleli tse kherang, likepe tse se nang liseile, tse tsukutloang ke moea o mong le o mong oa thuto." Athe, Bible e re hanela ho etsa hoo.

79 Tiisetša. Tseba moo u emeng teng. U se ke ua e tšetleha. . . Joale, u ka tšepahala ka botšepahi tabeng eo, ho tsitsa. U ka ba Momethodise ea tsitsitseng, Mobaptise, Mopresbeteriene, Mokatolike, kapa eng feela, u tsitsitse hakaalo. Empa u se ke ua tsitsa thutong ea kereke ea hau. Tsitsa Thutong ea Bible. Le ntano hlahlola lithuto tsa lona ka Bible. Le botse seo Jesu a neng a le sona. Haeba E se eena kajeno, e tla ba thuto ea hau e fosahetse.

80 U filoe mohlala. 'Me O itse, "Ke 'na mohlala oa lona. Ke le beetse mohlala, hore le etsane joalo ka ha Ke le entse." Santa Johanne 13.

81 Joale, empa u a fumana, ke sona se etsahalang. Joale, mokhoa oa 'nete oa ho Mo fumana o mong feela ke hona, haeba a sa Mo fumana har'a balekane. O khutletse moo a Mo siileng teng.

<sup>82</sup> Ke seo kereke e tlamehang ho se etsa. Khutlela moo u Mo siileng teng, 'me u tla Mo fumana mono, uena Methodise, Baptise, le Mapentekosta, le Assemblies of God, le lona bohle, Branham Tabernacle, le joalo-joalo. Khutlelang moo le Mo siileng teng.

<sup>83</sup> E nkhopotsa moruti oa sesole, nakoana e fetileng, mane Ntoeng ea Bobeli ea Lefatše. A mpoella hore e ne e le machini. . . ho ea ho e—e monna ea neng a . . . machinikane. . . ba 'moleletse a ne a eshoa, a thuntsoe sefubeng ka machinikane, likulo tse ngata, 'me a re monna eo o a shoa. 'Me moruti oa sesole a kena ho ea 'mona. 'Me e ne e le kapotene. 'Me a kena tenteng, 'me a re, "Kopotene, na u Mokreste?"

A re, "Be, nkile ka ba Mokreste."

A re, "Eaba ho etsahalang?"

A re, "Ha ke hopole kamoo e qalileng."

<sup>84</sup> 'Me a sheba chate ea hae. 'Me a bona a saletsoe ke metsotso e ka bang meraro ho isa ho e mehlano ho phela, 'me boholo ba nako eo bo se bo tlotse. Re tseba hanyenyane hakaakang hore nakoana ea rōna e ngata e se e sebelisitsoe! 'Me moruti oa sesole a re ho kapotene, a re, "Kapotene, u Mo siile kae?"

"Be," a re, "ha ke hopole feela hona joale."

<sup>85</sup> Ho re, "U mpe u potlake, hoba ha u a salloa ke nako e ngata ho khutlela moo u Mo siileng teng." Le ho re, "Hohle moo u Mo siileng teng, e-ea mono hantle u qale, 'me u tla Mo fumana."

<sup>86</sup> 'Me moruti oa sesole a re o ile a ema metsotso e 'maloa a tšoere Bible letsolong la hae ho utloa seo kapotene a tla se bua. 'Me a 'na a nahana a nahana, 'me a loana, mali a ntse a tlala matšoafong a hae. 'Me ka mora nakoana, pososelo e kholo e ralla sefahlehong sa hae, 'me likeleli tsa theoha marameng a hae. A re, "Oh, ke a hopola."

Ho re, "Qala mono, kapotene, ka potlako."

<sup>87</sup> 'Me kapotene a re, "Joale ke a ithoballa. Ke rapela Morena ho baballa moea oa ka. 'Me ha nka shoa pele ke tsoha, ke rapela Morena ho nka moea oa ka." A sokolla hlooho ea hae, 'me a ikela.

<sup>88</sup> O Mo fumane kae? Boiphihlelong ba hae ba sekolo se phahameng? Koetlisong ea hae ea saekholoji ea motho? Tumeloaneng ea hae? Kerekeng ea hae? Che! O Mo fumane kae? Betheng ea masea. Ke hona moo a Mo siileng teng, 'me ke hona moo Jesu a emeng teng.

<sup>89</sup> Re ke ke ra fumana Jesu ka ho khutlela qalong ea Baptise, morao qalong ea Methodise, kapa Bokatolike. Re tla fumana Krete feela ha re khutlela Pentekosta, tšimolohong. E seng mokhatlo oa bolumeli joale, empa boiphihlelong ba makhonthe ba Pentekosta. Mohla batho ba lekholo le mashome a mabeli ba neng ba phuthehile Phaposing e Kaholimo, moo Jesu a

ba rometseng teng, 'me O ba boleetse, "Le lule motseng oa Jerusalem le tle le be le tlatsoe ka Matla a tsoang Holimo."

<sup>90</sup> Re ke ke ra ema halelele ho lekana ho fumana thuto e lekaneng, e seng ho fumana Ligarata tsa Bongaka, kapa boiphihlelo ba thutabomolimo. Empa re tla tlameha ho ema ho fihlela Moea o Halalelang oo oa pentekosta o tšolohela holim'a motho ka bomong, ka Matla a abelang monna kapa mosali ho sokolla sefahleho sa hae sebeng le linthong tsa lefatše, le ho phela joaloka Mokreste. U ka ingolisa kerekeng efe eo u e lakatsang.

<sup>91</sup> Empa re Mo siile Pentekosta. Methodise e Mo siile Pentekosta. Baptise e Mo siile Pentekosta. Katolike e Mo siile Pentekosta. Ma-Amish a Mo siile Pentekosta. Baena ba Mo siile Pentekosta. Assemblies of God e Mo siile mane Pentekosta. Kereke ea United e Mo siile mane Pentekosta. Ke hona moo A qalileng teng.

<sup>92</sup> Oho Molimo, thusa sena ho thophothela pelong e 'ngoe le e 'ngoe. Ke ka hona A sa khoneng ho lula ka mohahong ona. Ke ka hona A sa khoneng ho tla litumelong tsa rona le liphuthehong tsa rona tsa bolumeli. Re tlohetse melao.

<sup>93</sup> Mamelang. Jesu o itse, "Ke 'Na sefate sa Morara, lona le makala." 'Me mohla Kereke e neng e Ipata ka ho Jesu, E hlahisitse lekala la pentekosta. 'Me haeba lekala la pele le tsoile ho Morara, Pentekosta, lekala le leng le le leng le tla tlameha ho tšoana le la pele. Re tlameha ho khutlela boiphihlelong ba pentekosta hape.

<sup>94</sup> Haeba sefate se hlahisa lekala la morara mona, lekala le latelang e tla ba morara, lekala le latelang e tla ba morara, 'me lekala le latelang e be morara.

<sup>95</sup> 'Me Jesu Krete esale eena maobane, kajeno, le kamehla. 'Me A ka hlahisa makala a mofuta o le mong feela, 'me ao ke makala a Pentekosta, ka Kerekeng ea Hae, ka boiphihlelo ba Pentekosta.

<sup>96</sup> "Oh," u re, "Moena Branham, bea butle motsotso feela. Ke tšepahala tumeloaneng ea ka."

<sup>97</sup> Haeba tumeloana ea hau e ruta hoba sohle seo u tlamehang ho se etsa ke ho tsukutla matsoho le moreri, Jesu o itse, "Ho tloha tšimolohong ho no ho se joalo."

<sup>98</sup> U re, "Moena Branham, ke setho sa mokhatlo o moholo oa bolumeli, 'me kereke ea ka e re matsatsi a mehlolo a fetile."

<sup>99</sup> Jesu o itse, "Ho tloha tšimolohong ho no ho se joalo." Tšimoloho e ne e le hokae? Pentekosta, moo Matla a Molimo o phelang a theohetseng holim'a batho ba lekholo le mashome a mabeli, le ho ba kolobetsa ka Moea o Halalelang le Matla, bakeng sa litšebeliso ho Eena. Hoo ha fetola lefatše le tsebjoang.

<sup>100</sup> U re, "Moena Branham, kereke ea ka e a lumela." Re bona basali seterateng kajeno, ba tsuba lisakrete, ba tena lishoto. U

re, “Be, molisa oa ka ha a bue letho ka eona. Kereke ea rona e re ho itoketse.”

<sup>101</sup> Empa Jesu o itse, “Ho tloha tšimolohong ho no ho se joalo.” Ho ne ho se joalo. “Hobane mosali, ea aparang seaparo sa monna, ke manyala mahlong a Molimo.”

<sup>102</sup> U re ho 'na, “Moena Branham, masiu a 'maloa a fetileng, u ahlotse ho fafatsa.” Empa u re, “Kereke ea ka e ruta hore u ka fafatsoa, 'me ho itoketse.”

Empa Jesu o itse, “Ho tloha tšimolohong ho no ho se joalo.”

<sup>103</sup> U re, “Empa, Moena Branham, kereke ea ka e lumela ho horometsa. 'Me ke tšepahetse. 'Me ke kereke e khōlō.”

Empa Jesu o boletse, ho re, “Ho tloha tšimolohong ho no ho se joalo.”

<sup>104</sup> Ho re, “Moena Branham, ke qoelisitse, 'ka lebitso la Ntate, le ka lebitso la Mora, le ka lebitso la Moea o Halalelang.”

<sup>105</sup> Bible e itse, “Ho tloha tšimolohong ho no ho se joalo.” Ntho e joalo ha eso be teng. Ho sala sehlomathiso le tumeloana e itseng e entsoeng ke motho morao!

<sup>106</sup> Petrose o boletse, ka Letsatsi la Pentekosta, Kerekeng ea pele, “Bakang, e mong le e mong oa lona, 'me le kolobetsoe ka Lebitso la Jesu Krete, tšoareleng ea libe tsa lona, 'me le tla amohela neo ea Moea o Halalelang. Hobane pallo ena e etselitsoe lona, le bana ba lona, le ba leng hole kaofela, bao Morena Molimo oa rōna a tlang ho ba bitsa.” Ntho efe e khahlano le Hoo, tšimolohong ho no ho se joalo.

<sup>107</sup> U re, “Ke setho sa bolumeli bo boholo bo reng, 'Re bua moo Bible e buang, 'me re khutsa moo E khutsitseng.’ 'Me kereke ea rona e a bolela, ho re, ‘Matsatsi a mehlolo a fetile.’”

<sup>108</sup> “Ho tloha tšimolohong ho no ho se joalo.” Hoba Jesu o itse, “E ne e tla ba Eena maobane, kajeno le kamehla.” “Maholimo 'ohle a tla feta, empa Lentsoe la Hae le ke ke la feta.”

<sup>109</sup> Re phela letsatsing leo ba nkileng melao ea Molimo 'me ba e khopamiselitse meetlong ea batho, empa ho tloha tšimolohong ho no ho se joalo. Re rapela moetlo oa batho, 'me e seng melao ea Molimo.

<sup>110</sup> Re ne re eme mona ka mahlo a rona, maobane bosiu, le ho bona moreri oa sefoku a buseletsoa pono ea hae, a eme kalaneng. Ke 'Mone a folisa eona meriti ea lefu, ho 'Mona a tsosa batho ba bararo hoba ba tlalehoe ba “shoele,” ke ngaka.

U re ha u lumele seo. “Kereke ea ka ha e e lumele.”

<sup>111</sup> Empa Hoo e ne e le 'nete ho tloha tšimolohong. Ntho efe e khahlano ha e joalo, ho tloha tšimolohong, hobane Molimo ke Molimo oa Bophelo, Molimo o Matlaohle, A ke ke a hloleha. Esale Eena maobane, kajeno, le kamehla. Re ke ke ra Mo fumana litumeloaneng tsa rona. Re ke ke ra Mo fumana mekhatlong ea

rōna ea malumeli. Re tlameha ho Mo fumana morao moo re Mo siileng teng.

112 U re, “Be, ke entse joalo, Moena Branham. Ke tla u bolella seo ke se entseng. Ke hobetse ka Moea. Ke a tseba ke na le Oona.”

“Ho tloha tšimolohong ho no ho se joalo.”

“Ke buile ka lipuo, ka hona ke a tseba ke O fumane.”

“Ho tloha tšimolohong ho no ho se joalo.” Ke hantle.

U re, “Ke hooeelitse, ’me ke O fumane.”

113 “Ho tloha tšimolohong ho no ho se joalo.” Ke hantle. Ho tseba Krete ke ho tseba Motho eo Krete, tšoareleng ea sebe, ’me e fetola bophelo ba hau.

114 Ke bone batho ba hobela, ba hoeletsa, ba bua ka lipuo, le joalo-joalo, ’me ba phela bophelo ba mofuta ofe. Ka hona, e ke ke ea loka. Ke ba bone ba ingolisa likerekeng, ba tsukutla matsoho, ba kolobetsa, ba feta litumeloaneng tsa mefuta eohle, ’me ba ntse ba phela joaloka liabolosi. “Ho tloha tšimolohong ho no ho se joalo.”

115 Ho kopana le Eena, Motho, Morena Jesu, ho Mo tseba e le Mopholosi oa hau, ho Mo tseba e le Morati oa hau, “Ho Mo tseba ke Bophelo.” Empa litumeloana tse ling tsena le lintho, ha li eso pakoe ke Morena oa rōna tšimolohong. “E-eang ka lefatše lohle le bolelle ’mopuo e mong le e mong Evangeli.” Ho fihlela kae? “Lefatšeng lohle.” Ho mang? “Mopuo e mong le e mong.” “Mehlolo e tla tsamaea le ba lumelang ke eona ena.” Ke sona se neng se le tšimolohong. Ntho efe feela e khahlano le hoo ha e a loka. Ha u e fumane litumeloaneng. U e fumana ka ho Krete. Ke Eena feela.

U re, “Moena Branham, Bible e boletse mono. . .”

116 E itseng? “Ka Lebitso la Ka ba tla leleka batemona; ba tla bua lipuo tse ncha, lipuo; ’me ha ba tšoara linoha, kapa ba noa lintho tse bolaeang, li ke ke tsa ba ntša kotsi; ha ba bea bakuli matsoho, ba tla fola.” Ke seo Lengolo le se buileng. Ntho efe e khahlano le Hoo. . .

117 U re, “Mehlolo *ena* e a ba latela: ke leqheku le lokileng; o lefa karolo ea hae ea leshome; o sebetsa hantle; o tšoara moahisane oa hae hantle.” Haeba e le phetho se hlokoang, Krete o ne a sa tlameha ho shoa.

118 Ho hlokoa boiphihlelo ba ho tloha lefung ho kena Bophelong, le ho fetoha ’mopuo e mocha ka ho Krete Jesu, ka Krete pelong. Ke Moea o Halalelang oo. Ke hona moo e qalileng teng.

119 Barutuo ba e ne e le banna ba lokileng. E ne e le banna ba molemo. Ba lefa melato ea bona. Ba ne ba tšepahetse. Ba ne nehela li-inchi tse leshome le metso e supileng jareteng; le li-ounse tse kana ka holima ponto; ’me ha o tsamaea maele o le mong, ba tsamaea habeli. Ba ne ba tletse borapeli haholo, le

Bafarisi bao ba ne ba le joalo. Empa Jesu o itse, “Motho ha a sa tsoaloe labobeli, a ke ke a kena ’Musong.”

<sup>120</sup> Re tlameha ho khutlela moo re Mo sileng teng. Ho khutla le ho Mo fumana, hoba litumeloana tsena li ne li se joalo tšimolohong. Likereke tsa bolumeli tšimolohong li ne li se joalo. Ka hona lahlela ntho e ’ngoe le e ’ngoe fatše ’me u titimele morao Pentekosta, ’me u fumane Molimo oa ’nete le o phelang, O folisang bakuli, ho hloekisa balepera, ho leleka batemona, le ho itlaleha a le ka hara Bibehe, eena maobane, kajeno le kamehla. Ke Molimo oa tšimoloho. Ke Eena Ea sa fetoheng. E ke ke ea eba Molimo, le ho ba ntho e ’ngoe kajeno le ntho e ’ngoe hosane, le ntho e ’ngoe esele. E ke ke Ea eba mohlokapheletso le ho ba seo. Ke oa maobane, kajeno, le kamehla ka botlalo.

<sup>121</sup> Joale, metsoalle, tsatsing leo re phelang ho lona, holim’a re bona batho ba bolisitse lefatše ka meetlo ea bona, mohla ba silafalitseng kereke ka meetlo ea bona, mohla ba sentseng likelello tsa batho ka meetlo ea bona! Na ha re a e feta bosiu bo bong, le ho bona moo kereke eo ea khale ea prosetate, kapa kereke ea seotsoa e neng e ena le barali, ’me bobeli tsa ntša, bakeng sa Thuto, bohlola ba litšila tsa bona? Hoo ho tsoa mokhatlong o mong le o mong. Ba silafetse.

<sup>122</sup> ’Me, joale, ha ke re le tlohe mokhatlong oa lona. Empa sutha ho itšoarella mokhatlong oo feela. Kena ho Krete. Lintho tseo li fosahetse. Ha re khutlelang tšimolohong. Ka hona, ha re ka etsa joalo, u tla fumana Krete a kena tlung eo e hahiloeng holim’a Lefika le tiileng. ’Me teng lipontšo le meeka le lehlohonolo ka leng leo Molimo o le tšepisitseng le tla bonahatsoa ka Kereke eo.

A re rapeleng.

<sup>123</sup> Pejana feela re kena thapelong, ke sa siea temoso e mahlonoko ena pelong tsa lona: Na e joalo ho uena joaloka ha e etsahetse qalong? Kereke eo u leng ho eona, na ke tumeloana feela kapa mokhatlo oa bolumeli, kapa na ke boiphihlelo bo u tlišetsang ntho e tšoanang le ea tšimolohong? Haeba ho se joalo, etlaba ha ho joalo. Na u ke ke ua tla tšimolohong ke hona, le ho qala mona? Le ho suthela hole le litumeloana le malumeli, le ho sebeletsa Molimo o phelang. Haeba u le teng mona, bosiu bona, ’me u lakatsa ho hopoloa thapelong e koalang, na u ka phahamisetsa matsoho a hau ho Molimo, le ho re, “Nkhopole, Moena Branham.” Molimo a u hlohonolofatse, hohle ka mohahong. Ke botle. Ke botle.

<sup>124</sup> Ho sa tsotelehe u setho sa kereke efe, phutheho ea hau ea bolumeli, phahamisa letsoho la hau, ho re, “Nkhuhele, Molimo.” Molimo a le hlohonolofatse. Ke botle. Matsoho a leshome le metso e ’meli a phahame, hohle ka mohahong.

<sup>125</sup> “Nkhopole thapelong, moena, horeng ena,” u re, “hobane ke batla hō khutlela tšimolohong.” Molimo a u hlohonolofatse. Molimo a u hlohonolofatse, uena, uena tlase mono, morao



holong, holimo ka ntle. Morena a le hlohonolofatse. Molimo o bona matsoho a lona, a mangata haholo ho 'na ho a bala. O tseba e mong le e mong. Motšeo koana, mofumahali eo o leka ho phahamisa matsoho a hae motšeo koana, u hlohonolofatsoe, khaitseli.

<sup>126</sup> Jesu o itse, “Le ruta bakeng sa Thuto meetlo ea batho, 'me le fetola melao ea Molimo ntho e se nang matla, ka meetlo ea lona.” 'Me haeba A e buile letsatsing leo, ho ka thoeng ka sena? Ha re khutleleng tšimolohong joale. Ho ne ho ena le . . . Ho ka thoeng ka eona?

<sup>127</sup> Haeba Lekala le hlahile ka Letsatsi la Pentekosta, 'me la hlahisa Kereke ea mofuta oo, ba ile lefatšeng lohle, ba latetsoe ke lipontšo le meeka hohle, e seng lipontšo le meeka eo re ka e bitsang kajeno, empa mohla ba tsoileng: ba rerile hohle; ba kolobetsa batho, hape, ka Lebitso la Morena Jesu; ba—ba leleka batemona; ba folisitse bakuli; ba hlotse, ho tloha tšimolohong ho isa qetellong.

<sup>128</sup> 'Me haeba moetlo oa kereke ea hau o u rutile khahlano le Hoo, ha re khutleleng tšimolohong moo re e siileng teng. 'Me ha re hlahiseng mona, bosiuong bona, litho tsa Kereke tse kang tšimolohong, ba neng ba ena le lerato la boena, e mong bakeng sa e mong, ba teletse ba bophelo ba bona. Banna le basali ba ratanang, lerato le Mokhethoa hakana, ho fihlela ba ea teronkong kapa ho fanyehoa bakeng sa e mong. Ke Kereke ea mantlha eo.

Morena a le hlohonolofatse, re sa rapela.

<sup>129</sup> Ntate ea Ratehang ea Maholimong, re sa atamela ho koaloa ha Molaetsa o monyenyanane ona, bosiuong bona, 'me batho ba eme pela mabota, ba lebeletse, ba itšetlehile ka lits'iea, le haufi le marako, esita le ka ntle. 'Me ba phahamisa matsoho a bona, ba re ba batlile ho kopana le Jesu eo oa tšimoloho. Aba sena, Morena, horeng eona ena, ba kopane le Eèna. Hoba ho ngoliloe, “Ho lehlohonolo ba lapileng le ba nyoretsoeng ho loka, hobane ba tla khorisoa.” Palo e kholo ea matsoho, Ntate. Bongata ba 'ona, ha ke a khona ho a bala hang. Empa Uena u ba bona bohle, 'me u ba tseba bohle.

<sup>130</sup> 'Me ho ngoliloe, ho thoe, “Ha ho ea ka tlang ho 'Na, a sa huloe ke Ntate oa Ka pele.” Ba khathalitsoe ke litumeloana tsena, 'me ba itemoha ba sa fumane Jesu ka ho tsona. Joaloka Maria le Josefa, ba tlameha ho khutlela tšimolohong moo ba Mo siileng teng. Ba lakatsa ho khutlela, bosiuong bona, boiphihlelong ba Pentekosta, le ho amohela Moea o Halalelang, le ho tsoalloa bocha 'Musong oa Molimo. 'Me, aba sena, Morena, hore e mong le e mong oa bona a amohela boiphihlelo boo, horeng eona ena. Hoba re e kopa ka Lebitso la Jesu, Mora oa Hau.

<sup>131</sup> 'Me re sa inamisitse lihlooho tsa rōna. Ha ke tsebe haeba le ka khona kapa che; ha le rata ho kena lipakeng tsa mola ona oa

litulo, sebaka sa ho tsamaea se teng mona. Theohelang hantle mona, le eme aletareng, le re, “Moena Branham . . .” Haeba u hlile u e lumela.

<sup>132</sup> Mohlomong ke bile mohlolo ho lona, mehleng e fetileng. Empa ka ho bona hore ntho e 'ngoe e etsahetse, limilione lefatše ho pota li E amohetse. [Sekheo lebanteng—Mohl.]

<sup>133</sup> “Me ekare e khutlela tšimolohong hantle, ho Bibe. Ha ke na boiphihlelo boo, empa ke—ke batla le nthapelle, bosiuong bona, hantle mona aletareng, le ho mpeha matsoho. Hoba ba e sebelitse joalo tšimolohong.”

<sup>134</sup> Filipi a theoaha a rerela Basamaria. 'Me a ba kolobelitse bohle ka Lebitso la Jesu. Empa Moea o Halalelang o ne o eso theohele ho mang oa bona, ba ba ba romela ho bitsa Petrose. 'Me a theoaha a ba bea matsoho, 'me ba amohela Moea o Halalelang.

<sup>135</sup> Ha u lakatsa thapelo, 'me moea oa hau o imetsoe ke sebe, 'me koana u lekile likereke le likolobetso, le lintho tse joalo, empa ha e a sebetsa; ha u batla joalo, ke rapele le uena, bosiuong bona, tloo hantle holimo mona joale. Ke tla thabela ho hlahisetsa mang le mang oa lona tšebeletso ea ka ea thapelo, ka botšepahi. 'Me ke lumela hore ha u ka kena botebong ba botšepahi ba hau, Molimo o ka tutubollang mahlo a foufetseng o ka hloekisa pelo e litšila. Molimo o ka tsosang bafu, nameng, ka sebele o ka mo tsosa moeeng. Ea ka phelising 'mele o shoang, ruri a ka phelisa moea o sa shoeng. *Ho phelisa* ho bolela “ho tsosa.” Molimo a ke a tebisetse taba eo pelong tsa lona, metsoalle ea ka e ratehang.

<sup>136</sup> Lona batho ba mona, ba motse oa Jeffersonville, le New Albany, le Louisville; Ha ke tsebe na u tla ema joang ka Letsatsi la Kahlolo, hobane Molimo o entse sohle hantle mona, tabernakeleng ena ea khale e ithobileng, e robhileng. O folisitse bakuli. O bontšitse lipontšo le meeka. O—O hlahisitse sena, Lentsoe la Hae, ha le fapane le ntho e le 'ngoe Mangolong, le ho Ipaka e le Molimo oa ba phelang.

<sup>137</sup> O tla etsa Leholimo lehae la hau joang, 'me u ntse u itsoareletse litumeloaneng le liphuthuhong tsa bolumeli, borapeli ba bohata, le likolobetso tsa bohata, le maikutlo a bohata? U tla e khona joang, athe e pelong ea hau hantle, matsohong a hau, ho etsa qeto ea hau? Ke ne ke le sebakeng sa heno, pele fetile morao haholo, ke ne ke tla.

<sup>138</sup> Hoba, hopolang, Jesu o buile ka mosali a le mong ea tsoang sechabeng. 'Me O itse, “Mofumahali oa Boroa o tla ema ka Letsatsi la Kahlolo, le moloko ona, 'me o tla o ahlola, hoba o tsoile liphelitsong tsa lefatše ho utloa bohlale ba Salomone.”

<sup>139</sup> Molimo a u hlonolofatse, khaitseli ea ka. Ha u batla ho khumama feela, theohela hantle mono. Haeba bana ba banyenyane ba ka suthela morao kamoo ba ka khonang joale, ho bao ba batlang ho tla khumama thapelong.

140 Ke tlil'o bina temana kapa tse peli tsa sefela sena, "Ke ancorile moea oa ka." 'Me ke batla mang le mang a rapele ka thapelo, re sa bona haeba ba batlang Molimo ba lakatsa ho theoaha le ho rapela.

. . . ancorile moea oa ka kounge ea phomolo,  
Ha ke sa tla sesisa maoatle a befileng;  
Leha sefelo se foka holim'a boliba bo hlaha, ba  
leoatle,  
Ka ho Jesu ke bolokehile kamehla.  
Ke ancorile ea ka . . .

141 Joalokaha Moea o Halalelang o rata, ho tataisetsa hantle aletareng joale bakeng sa thapelo.

. . . sesisa maoatle a befileng . . .

Tloo, uena ea oeleng mohaung.

Leha sefelo se foka holim'a boliba bo hlaha, ba  
leoatle,  
Ka ho Jesu ke bolokehile kamehla.  
Nkhantsetse, Morena, nkhantsetse,  
Leseli la Ntluleseli . . .

142 Ke seo O leng sona, Ke Lentsoe.

. . . phatsima . . .

U na le Lona le o khanya ka nqa tsohle.

Oho, khanya . . .

143 Na u ke ke ua tsoa setulong sa hau, ho theoaha? Khutlela kerekeng ea hau, hohle moo u tsoang teng; empa tloo koano u Mo fumane joaloka ha A entse tšimolohong.

Leseli la ntluleseli le nkhantsetse.  
Ho tsoana le Jesu, ho tsoana feela . . .

144 Ke ba bakae ba ratang ho ba joalo? Phahamisa letsoho la hau feela.

Lefatšeng ke labalabela ho tsoana le Eena;  
Leetong lohle la bophelo ho tloha lefatšeng ho  
ea Khanyeng,  
ke kopa feela ho tsoana le Eena.

Sejelong sa Bethlehem ha hlaha Moeti,  
Lefatšeng ke labalabela ho tsoana le Eena;  
Leetong lohle la bophelo ho tloha lefatšeng ho  
ea Khanyeng  
ke kopa feela ho tsoana le Eena.

Ho tsoana le Jesu feela, ho tsoana le Jesu,  
Lefatšeng ke labalabela ho tsoana le Eena;  
Leetong lohle la bophelo ho tloha lefatšeng ho  
ea Khanyeng  
Ke kopa feela ho tsoana le Eena.

<sup>145</sup> Joalokaha bana, ba llang ba ratehang, bao ba utloileng tsuo ea Moea o Halalelang, ho ba biletsa pheletsong ea bona ea ho qetela. 'Me le hopole, e ka hlahela motho e mocha ka mona, metsotsong e mehlano. 'Me hora e le 'ngoe ho tloha joale, ho ka tšoha ho se motho ea phelang lefatšeng. E ka etsahala. Mahlale a boletse, lilemo tse peli tse fetileng, "Ke metsotso e meraro pele ho khitla ea bosiu." Le tseba seo esale re se rera liporofetong. E mothating oa ho etsahala. 'Me hobaneng Satane a ka u koalla u hlahletsoe serobeng, ka pelaelonyana e nyenyane kelellong ea hau?

<sup>146</sup> Joale, lona ba fahalitsoeng mona, ba homelitsoeng, kapa—kapa ho kolobetsoa ka litsela tse ling kathoko ho kolobetso ea Sekreste, le ke le tsebe taba ena.

*Eare Petrose a sa bolela mantsoe ana, Moea o Halalelang oa theohela holim'a . . . ba utloileng lentsoe.*

*'Me balumeli ba lebollo ba neng ba tlile le Petrose, ba makala, hobane . . . holim'a Balichaba . . . neo ea Moea o Halalelang e tšetsoe.*

*Hobane ba ba utloile ba bua ka lipuo, ba tlotlisa Molimo. Eaba Petrose o arabela,*

*Na motho a ka hanela metsi, hore bana ba se ke ba kolobetsoa, ba amohetseng Moea o Halalelang joaloka rona?*

*Eaba o ba laela ho kolobetsoa ka lebitso la Morena Jesu Kreste.*

<sup>147</sup> Liketso 19, e reng ke le qotsetse, lona batho ba Baptise. 'Me le mamele sena ka hloko.

*'Me ha etsahala, hore, eare Apolose a sa le Korinthe, Pauluse a haola mabopong a holimo . . . a Efese: o fumana barutuoa ba itseng,*

*A re ho bona, Na le amohetse Moea o Halalelang ho tloha le lumetse? . . . ba re ho eena, Ha re . . . tsebe hore Moea o Halalelang o teng.*

*A re ho bona, Ho eng . . . na u kolobelitsoe? 'Me ba re, Re kolobelitsoe ho Johanne . . .*

*. . . a re, Kannete, Johanne o kolobelitse pakong, a re . . . ba lumele ho ea tlang . . . ke hore, ho Jesu Kreste.*

*'Me ha ba utloa sena, ba kolobetsoa hape ka lebitso la Morena Jesu Kreste.*

*'Me . . . Pauluse . . . a ba bea matsoho, 'me Moea o Halalelang oa theohela holim'a bona; 'me ba bua ka lipuo, 'me ba tlotlisa Molimo.*

<sup>148</sup> Bagalata 1:8, Pauluse o boela a bua.

Joaloka ha ke boletse, ke sa bolela hape; ekare *ha rona, kapa lengeloi le tsoang leholimong, le le bolella evangeli esele . . . le rohakoe.*

<sup>149</sup> Ho sa tsotelehe ke litumeloana tse kae tsa leseli, ke liphutheho tse kae tsa bolumeli, ke lintho tse kae! Haeba u eso kolobetsoe ka Lebitso la Jesu Kreste, lona balumeli, kea le laela, ka Lebitso la Jesu Kreste, ho kena letšeng lena le ho kolobetsoa. Ke hantle. Yaa. Ke hantle seo Lengolo le se buang. “Hoba ha ho Lebitso le leng tlas’a Leholimo, le neiloeng batho, leo le ka bolokehang ke lona.” Ho sa tsotelehe hore u hakae . . . seo u se entseng, hore u amohetse Moea o Halalelang hakae, ha re khutleleng tšimolohong. Haeba u fafalitsoe, u tšetsoe, kapa ntho e kolobelitsoeng, ka lebitso la “Ntate, Mora, Moea o Halalelang,” ke tumeloana ea bohata. Ha ho motho ka Bibeleng ea kileng a fafatsoa, a horometsoa, kapa a kolobetsoa ka lebitso la “Ntate, Mora, Moea o Halalelang.” Ha re khutleleng tšimolohong, ’me le tla Mo fumana. Aletare e butsoe, ’me letša le letile. Re sa bina hang hape, “Ho tšoana le Jesu feela.”

Ho tšoana le Jesu, ho tšoana le Jesu feela,  
Lefatšeng ke labalabela . . .

<sup>150</sup> Na le ke ke la tla koano? Le reng ka lona balumeli? Mona le tla buleloa phaposi, motsotsong feela.

Leetong lohle la bophelo . . .

<sup>151</sup> O itseng? “Ho tloha tšimolohong ho no ho se joalo.” Ha u batla ho tšoana le Eena!

. . . ho isa Khanyeng  
Ke kopa feela ho tšoana le Eena.

<sup>152</sup> Ha re rapeleng hape. Tloo, khaitseli, haeba u tla aletareng mona. Ho itoketse.

<sup>153</sup> Morena Molimo, ho ke ho ngoloe, ’me ho ke ho etsoe, Morena. E ngoliloe, ka hona joale e ke e etsoe. Nke ke ka ba le molato ka Letsatsi la Kahlolo, ka ho ema ka mora tumeloana e itseng ea kereke; empa ho bolela Evangeli e tletseng, ka Matla a tsoho ea Moea o Halalelang.

<sup>154</sup> Joale, Morena, na U tla hlompha Mantsoe ana, ’me na U tla romela Moea o Halalelang holim’a bana, bosiueng bona, Morena? Le ho folisa bakuli le ba mahlomoleng hara rona, batho ba tle ba tsebe hore Molimo o ngotseng Biblele o sa le teng mona, ’me ha A fetohle, leha motho a leka ho fetola Lentsoe. Empa Ke Molimo o sa fetoheng, o itseng, “Ho tloha tšimolohong ho no ho se joalo.” ’Me ha re bona seo lekala la pele le neng le le sona, Morara, ruri re ka beha Buka ea Liketso mohlala oa rōna joaloka kereke.

<sup>155</sup> Aba sena, Morena, bosiueng bona, hore motho e mong le e mong mona ea eso latele Morena Jesu, ’me Jesu o a thasissetsa hore O na le bona, ka lipontšo le meeka ea thuto ea Testamente e Ncha ea Buka ea Liketso eo lekala la pele le e hlahisitseng, ba ke ba

oele maotong a Hae ka boikokobetso 'me ba tsoele pele, Morena, le ho Mo fumana kamoo A neng a le kateng tšimolohong. Hobane re ke ke ra Mo fumana har'a litumeloana tsa rona le liphutheho tse hlophiloeng, le har'a lithuto tsa rona tse nyenyane, tse fokolang tsa letsatsi lena. Re tsoanela ho khutlela ho Molimo le Bibehe.

<sup>156</sup> Bao ba khumameng ka mangole a bona mona, ba batlang Moea o Halalelang oa Hau, 'me ba lumela hore U tla theohela holim'a bona, ha ba hlophise sebopeho se itseng, tsela e itseng. Ba mpa ba batla hore Moea o Halalelang o theohela holim'a bona. Aba sena, Molimo, lipelō tsa bona li buloe nakong ena, 'me Matla a Molimo o phelang a tšolohela lipelōng tsa bona, le ho ba tlatsa, le ho tsoarella libe tsa bona, le ho ba tlatsa ka Moea o Halalelang. Aba lintho tsena, Ntate.

<sup>157</sup> Joale ka lihloho tsa rona tse inamisitsoeng, ka ho se phetse motsotso o mong hape, ke lumela hore Molimo o tla tsamaea ka tsela e kholohali, metsotsong e 'maloa feela.

<sup>158</sup> Ha ba le teng mona, bosiueng bona, e leng baeti, ba tsoang ka ntle ho motse, ba sa khoneng ho khutlela tšebeletsong e 'ngoe, 'me ba le maemong a qomatsi. Ere bana ba sa le aletareng, ba batla, ba emetse Molimo; etsoe, re tla kena ho eona hantle, metsotsong e 'maloa. Empa haeba ba le mona maemong a qomatsi, 'me ba sa khone ho ema ho fihlela feela. . . bakeng sa tšebeletso e 'ngoe, ba lakatsa ho rapelloa, na u ka phahamisa matsoho a hau, motho ea tlamehang ho tsamaea. 'Ngoe, peli. Ho lokile. 'Ngoe, peli, ba leng ka mona joale, tharo, ba leng ka mona, ba sa khoneng ho ema, hore ba. . . ba tlameha ho tsamaea feela. Ba bane. Ke bona a le mong ka morao. Batho ba bane ba teng. Ba bahlano. E mong hantle mona. Ho lokile, ba bahlano ba teng ka mona, bosiueng bona, ba ke keng ba hlola ba ema. Ke a ipotsa, haeba le khona, 'me le ka ema ka maoto a lona; ha le sa khone, le ka jaroa. 'Me re sa emisitse batho bana aletareng, ke batla joalo, le kene phaposing ena ea thapelo, ka letsohong la ka le letona mona, batho ba bahlano bana.

<sup>159</sup> Re sa kopa bareri ba sena, ba ka mohahong ona, bosiueng bona, ba lumelang hore Molaetsa ona oo ke o rerileng, hore litumeloana tsena le—le lithuto tse entsoeng ke motho, kajeno, ha se tsa Molimo, empa ke tsa motho; le hore re hlile re tlameha ho khutlela tseleng ea Bibehe, ho khutlela tšimolohong. Ke batla ba bang ba bareri bao ba tle kapele 'me ba eme mona le 'na, re sa bea matsoho le ho rapella batho bana mona, holim'a batho bana ba batlang mahlohonolo a maholo a Molimo bophelong ba bona. Ba bang ba lona bareri, ka kōpo, ba lumelang Sena e le 'Nete e bohlokoa ea Molimo. Le se ke la tla ka tsela esele joale. Le a bona? Eba monna ea lumelang hore Ke 'Nete e tiileng.

<sup>160</sup> 'Me bao joale, ba bahlano ba phahamisitsoeng matsoho a bona, potang ka lehlakoreng lena le leng, ha le khona. Kapa, potang ka morao ho kalana, ha le sa khone ho kena ka mono,

'me re tla bona se etsahalang metsotsong e 'maloa. E-ea hantle ka tsela *ena*, moena; hola bana ba ka checha feela.

<sup>161</sup> 'Me joale bao ba tlang joale, ba fetela ho rapelloa, ba lumelleng ho feta, ha feela u ka khona, hantle ho haola mona.

. . .lefifi

Le tla fetoha letsatsi le khanyang ka ho fetesisa.

Joale a re beng sebete bohle,  
Hoba ha re a sala re le bang;  
Haufinyane seketsoana sa pholoho sea tla  
Ho bokella Mahakoe hae.

Ako nyakalle, moena ka, nyakalle, (Oh, nyakalla!)

Liteko tsa rona li tla fela kapele,  
Re tla kopana le baratuo a ba rona, ho kopana,  
Lebopong la gauta.

Re baeti le bafeti mona,  
Re batla Motse o tlang ho tla,  
Mokoro oa bophelo o tla kapele,  
Ho bokella Mahakoe Hae.

Mokoro oa bophelo o tla kapele,  
Ke bona ka mahlo a tumelo  
Ha se ntse se phutla metsing  
Ho pholosa 'na le uena,  
Le ho fihla ka paballo koug  
Le metsoalle eo re e ratang haholo.  
"Itokiseng," ho Molaoli o a hoeletsa;  
Oh, shebang, o se o batla o fihlile mona.

<sup>162</sup> Shebang libomo tsa athomo, u ka tseba hore se habile ka mona.

. . .oh, nyakalla,  
Liteko tsa rona li tla fela kapele,  
Re tla kopana le baratuo a ba rona, ho kopana,  
Lebopong la gauta.  
Re baeti le bafeti mona,  
Re batla Motse o tlang ho tla,  
Mokoro oa bophelo o tla kapele,  
Ho bokella Mahakoe Hae.

<sup>163</sup> Joale, metsoalle, bareri bana ba tla phutheha joale, haufi le mona. Ke tlela mathata ana a tšohanyetso a sa khoneng ho khutla. 'Me lebaka leo re etsang sena, kamoo re leng kateng bosiu ng bona, tšebeletso ea kolobetso e tla latela metsotsong e 'maloa feela. 'Me tšebeletso e latelang ea kolobetso e tla ba Sontaha hoseng, ka mora sekolo sa Sontaha. Hoo ho tla re siela Moqebelo bosiu, Labohlano bosiu, le Moqebelo bosiu, le Sontaha bosiu, bakeng sa mola oa pholiso.


<sup>164</sup> Re batla ho bea pholoso ea Molimo pele. Le a bona? Pholiso e tla etsahala. Ha re tšabe seo. 'Me ka hona e tla etsahala. Maobane bosiu, Molimo o pholositse meea e robeli e theko e thata mona aletareng. Oh, ke ne ke thabetse ho bona seo hakakang! 'Me ha ke tsebe na bana ke bomang tikolohong ena. Ba bang ba bona ekaba baetsalibe, ba hooang. Ba bang ba bona ekaba ba batla Moea o Halalelang.

<sup>165</sup> Empa joale kea kena. 'Me mohatsa ka morao mane, moratuoa, ho na le banna le basali ka mono. Ke mpa ke kena ho bona se tla etsahala. Ke tšepa bosebeletsi bo bocha bo tla sebeletsoa ka mono. Molimo o a tseba ke buile Lentsoe ka 'nete kamoo ke le tsebang, ka Bibeleng. Ke hantle. 'Me ke khutla ho bona seo Molimo o tlang ho se etsa.

<sup>166</sup> Joale, hosane bosiu, ha Morena a ratile re ke ke ra tšoara tšebeletso ea kolobetso, ha e se ka tšohanyetso, motho ea batlang ho kolobetsoa. Empa hang-hang, metsotsong e leshome kapa e leshome le metso e mehlano e latelang, ho tla ba le tšebeletso ea kolobetso.

<sup>167</sup> 'Me hape, hosane bosiu, ho tla ba le . . . Ke batla ho botsa mohoe- . . . ngoetsi ea ka ka mona, (Ngoetsi? Huh!), ngoetsi ea ka, haeba a fumane litlankana tsa thapelo, kajeno. Loyce, na u li fumane? Ha a li fumana ho hang. Be, re tla ngola tse ling. Re tla fumana tse ling, ka mokhoa o itseng. 'Me re tla fumana, ho aba litlankana tsa thapelo, hosane bosiu, ha Morena a ratile, le ho qala mela ea rōna ea thapelo, mola oa thapelo oa tloaelo, ha ntho e sa etsahale metsotsong e 'maloa, ka phaposing. 'Me re tla bona. Hosane bosiu, ha Morena a ratile, re tla aba litlankana tsa thapelo, ka meso, hosane bosiu, ha e batlile ho ba hora ea botšelela, kea kholoa, kapa ntho e kang eo, mashome a mararō ka morao ho tšelela, ntho e 'ngoe, hosane bosiu, batho ba tle ba fumane setlankana sa thapelo 'me ba kene moleng.

<sup>168</sup> Joale, hona joale, ke batla motho e mong le e mong ea ka khonang, a lule thapelong haholo. Ke batla lōna bareri le teele batho bana hare. Empa, Moena Neville a be mona kalaneng. 'Me ke tlil'o rapella bakuli. Morena a le hlohonolofatse.

<sup>169</sup> 'Me lona baena joale e-eang hantle moo batho bana ba leng teng. Nyolohang, le ba behe matsoho, 'me re rapele, ha le ntse le potoloha. E mong le e mong oa bona a lule le bona hantle joale, ha le ntse le potoloha. Phutheho eohle e tsebang ho rapela, inamisang lihloho tsa lona morao mono, 'me le rapele Molimo ka 'nete, hore Moea o Halalelang o thehele holim'a bana le ho ba tlatsa ka Moea o Halalelang; le ho etsa mehlolo ka phaposing ena, ho folisa bakuli le ba mahlomoleng. 



58-1002 Empa Ho Tloha Tšimolohong Ho No Ho Se Joalo  
Branham Tabernacle  
Jeffersonville, Indiana U.S.A.

SOUTH SOTHO

©2025 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Krete. Buka ena e ke ke ea rekisoa, ea boela ea hlalisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fua boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

[www.branham.org](http://www.branham.org)